

Akilerartarnermut Aqutsisoqarfiup aaqqissuussaanikkut allaaserineqarnera

1. marts 2020

1. Tunngaviusumik paasisutissat

Akilerartarnermut Aqutsisoqarfik aaqqissuussaanikkut Aningaasaqarnermut Akilerartarnermullu Naalakkersuisoqarfiup ataani inissisimavoq.

Akilerartarnermut Aqutsisoqarfimmi suliassat akilerarutinut, akitsuutinut akiliisitsiniartarnermullu tunngasut suliarineqartarput.

Suliffeqarfik pilersarusiornernik aammattaaq ingerlataqartarpoq soorlu ineriartortitsinernik, immikkoortortat akornanni iluarsartuussinernik pilersarusiornernillu annertuunik ingerlatsiviusarluni. Tassani suliassat suliffeqarfiup iluani avataanullu sammisut pineqarput.

Kiisalu suliffeqarfiup ataatsimut isigalugu ilisarnaatigaa, immikkoortortat akornanni ataatsimoorussillutik suliaqartarnerit, pingaartumik suliassanut annertuunut ulapiffiillu nalaanni sulisunik immikkut ilisimasalinnik immikkoortortat akornanni paarlaasseqatigiiffiusarluni.

Akilerartarnermut Aqutsisoqarfik aaqqissuussaanikkut sisamanik immikkoortortaqaqarfeqarpoq:

- aningaasaqarnermut immikkoortortaqaq
- akileraruserinermut nakkutilliinermullu immikkoortortaqaq
- akiliisitsiniartarnermut immikkoortortaqaq
- ataatsimoorussanik immikkoortortaqaq

Aamma ilanngaaserisut Ingerlatanut ineriartortitsivillu.

Aqutsisoqarfimmi pisortap Akilerartarnermut Aqutsisoqarfimmi aqutsineq akisussaaffigaa.

2. Aqutsisoqarfimmi immikkoortortat allaaserineqarneri

2.1. Aningaasaqarnermut immikkoortortaqaq

- Akilerartarnermut Aqutsisoqarfiup naatsorsuutai
- aningaasanut aqutsinermut atortorissaarutinik nakkutiginnineq ingerlatsinerlu il.il.
- naatsorsuuserinermut allaffik
- akitsuutinut tamanut allaffissornikkut ingerlatsineq akiliisitsiniarnerlu, tassunga ilanngullugit nioqqutissanik eqqussuinermut akitsuutinik akiliisitsiniarneq, (aalisakkanik) isumalluutinik atuinermut akitsuutit il.il.
- akitsuutinut, akilerarutinut niueqatiginnermullu nalunaarsuineq il.il.
-
- sulisitsisut nalunaarsuutaannik suliaqarneq, akilerarutit pillugit nassuiaatit, akissarsiat allagartaat il.il.

2.2. Akilerarutit nakkutilliinerlu

- akilerarutinut tamanut ingerlatsineq
- nassuiaassineq, aalajangiinerit, innuttaasunut suliffeqarfinnullu ikiuineq ilitsersuinerlu

- akileraartartunut tamanut, inunnut, namminersorlutik inuussutissarsiuutilinnut selskabinullu allaffissornikkut ingerlatsineq, tassunga ilanngullugit siumoortumik nalunaarsuutit, nammineerluni nalunaarsuutit, inaarutaasumik/akileraarutitigut naatsorsuutit

- akileraaruserinermut akitsuuserinermullu qarasaasiatigut atortorissaarutinik nakkutilliineq ingerlatsinerlu

- akileraaruserinermut akitsuuserinermullu tunngasunik ornigulluni kukkunersiuinerit
- soraarnerussutisiaqarnissamut aaqqissussinermut atatillugu akileraaruserinerit

- ornigulluni nakkutilliinerit, ilaatigut sulisitsisunik nakkutilliineq akitsuutit ilaannik nakkutilliineq il.il.

2.3. Akiliisitsiniartarneq

- nuna tamakkerlugu pisortanut akiitsunik akiliisitsiniartarneq il.il.

- pisortanut akiitsunik allaffissornikkut akiliisitsiniartarneq, tassunga ilanngullugit akilersuinissamut isumaqatigiissutit, akissarsianik ilanngaassuinerit il.il.

- nunat avannarliit (OECD ilanngullugu) akornanni akileraarutinik il.il. akiliisitsiniartarneq

- Danmarkimi pisortanut akiitsunik akiliisitsiniartarneq

- pisortanut il.il. akiitsoqarfigineqartunut siunnersuineq ikiuinerlu

2.4. Ataatsimoorussanik immikkoortortaq

- aaqqissuussaaneq, sulisut, illut/init, pequtit il.il.

- sulisoqarnermut ingerlatsivik najoqqutassallu

- Innuttaasunut saaffiginnittarfik, Akileraartarnermut Aqutsisoqarfimmut saaffiginnissutinik ingerlaannartumik suliaralugit naammassineqarsinnaasunik suliaqarfik

- CVR-imut Allattoqarfik

- ataatsimoorullugit ingerlassat soorlu; qarasaasianut tunngasut, attaveqatigiinneq aqutsisunullu allattaaneq.

2.5. Ilangaaserisut

- Angalasunik nioqqutissanillu eqqussuinerit annissuinerimullu nakkutilliinerit

- Eqquteqquusaanngitsunik nakkutilliineq, tassunga ilanngullugit ikiaroorartut

- Suliffiup iluani avataanilu suleqatigisanut siunnersuineq ilitersuinerlu

- Akitsuutinik utertitsinerit

2.6. Ingerlatanut ineriartortitsivik

- Aqutsisoqarfimmut sullissivik, aqutsisoqarfimmi qarasaasiatigut atortorissaarutinut akisussaasut, aqutsisoqarfiup pilersaarussiaanut ineriartortitaanullu tunngaviusumik isumaginnittut aqutsisoqarfim-milu immikkoortortat akornanni ingerlatat ataqatigiissaarnissaannut qulakkeerinnittut.

3. Aqutsisut

Aqutsisoqarfimmi pisortap pingaarnertut aqutsineq akisussaaffigaa aqutsisoqarfiullu susassaqarfiisa iluani aalajangiisinnaatitaaneq piginnaatitaaffigalugu.

Akisussaaffimmi qitiutinneqarpoq aqutsineq, tulleriissaarineq, ataqatigiissaarineq avammullu attaveqarneq.

Immikkoortortani pisortat, immikkoortortani suliassat pingaarnertut akisussaaffigaat, ulluinnarni aqutsineq immikkoortortanilu suliassanik ataqatigiissaarineq, aqutsisoqarfimmi pisortaq tunuliaqutaralugu.

Aqutsisut tassaapput aqutsisoqarfimmi pisortaq pisortallu akisussaasut siunnersortillu immikkut paasisimasallit.

Pisortap tullia aqutsisoqarfimmi pisortap peqannginnerani pisortatut paarlattaasarpoq.

Aqutsisut pingaarnertut suliassaraat tulleriissaarineq ataqatigiissaarineq immikkoortortallu akornanni sulisunik atortutigullu atorluaanissamut qulakkeerinninnissaq.

Aqutsisut fuldmægtigimik ilinniagartuumik sulisoqassapput, allaffissornikkut aqutsisunut naalackersuisoqarfimmut naalackersuinernullu tunngasunik siunnersortaassalluni.

4. Ataatsimiittarnerit

4.1. Aqutsisut ataatsimiittarneri

Marlunngornerit tamaasa aqutsisut ataatsimiittarput.

4.2. Immikkoortortani allaffinnilu ataatsimiittarnerit

Immikkoortortat allaffiillu ataasiakkaat sapaatsit akunneranoortumik ataatsimiittarput, ilaatigut aqutsisut ataatsimiinnerannit paasissutissanik ilisimatitseqatigiiffiusartut sulianullu pilersaaruseriusut il.il.

4.3. LSU-mi ataatsimiittarnerit

Suleqatigiinnermut ataatsimiititaliaq (qallunaatut naalisarlugu LSU) qaammammut ataasiarlutik ataatsimiittarput – qaammammi pingasu.nngorneq siulleq. Ataatsimiititaliami aqutsisunit inuit sisamat sulisullu sinniisui sisamat peqataasarput.

Taassuma saniatigut aqutsisoqarfimmi pisortaq imalt. immikkoortortani pisortat pisariaqartillugu immikkut ittumik, piffissap sivikitsup iluani periarfissiinikkut sulisut tamakkerlugit ilaannaannilluunniit ataatsimiigiaqqusisinnaapput.

5. Naammasserusutat anguniagassatullu takorluukkat

Naammasserusutat

Akilerartarnermut Aqutsisoqarfiup, Inatsisartut Naalackersuisullu sinnerlugit akileraaruserineq, akitsuuserineq akiliisitsiniartarnerlu ingerlatarei, tamatumani inatsisitigut isumannaatsumik suleriaaseqarneq qitiutillugu ingerlatsisoqarpoq.

Anguniagassatut takorluukkat

Akilerartarnermut Aqutsisoqarfik tassaassaaq nuna tamakkerlugi suliffeqarfik piginnaasalik uumarisuumik suleriaasilik ataavartumillu akileraarutinut, akitsuutinut akiliisitsiniartarnermullu inuiaqatigiinnut eqqortumik sullissisoq.

Innuttaasunut, atuisunut suliffeqarfinnullu sullissineq ataqqinnissusilimmik aallaaveqassaaq.

Aqutsisoqarfik suliffeqarfiussaaq ineriartornermut malinnaasoq piginnaasaqartunillu sullissilluarusussusilinnik sulisulik.

6. Sullissinnermut periusissatut siunniussat

Akileraartarnermut Aqutsisoqarfiup innuttaasunut suliffeqarfiutilinnullu sullissilluarnissaq qitiutippaa. Innuttaasup qanoq pisoqarneranut naleqquttumik sullinneqarneq misigisimassavaa, suliakkiutaasorlu qitiutillugu.

Sulisut pisariaqartitannik ikiorneqarnissat ilitersorneqarnissallu sapinngisartik tamaat anguniassavaat taamaalilluni ilinnut Akileraartarnermut Aqutsisoqarfimmullu pisariinnerpaallunilu naammassisaqarfiunerpaassaaq.

Innuttaasutut suliffeqarfittullu suliamut tunngasunik ilisimaarinnittunik eqqortumillu sullinneqarnissat naatsorsuutigissavat, sulisunit tunniusimasunit akisussaassuseqartunillu. Akileraartarnermut Aqutsisoqarfiup sullissinnermi, innuttaasut suliffeqarfiillu ataasiakkaat qanoq inissisimanerat pisariaqartitaallu tamatigut aallaavigisarpai. Akileraartarnermut Aqutsisoqarfiup saaffiginnikkaangavit pitsaasumik angusaqarfiulluartumillu sullinneqarnissat tamatigut anguniartarpaa – qarasaasiatigut, oqarasuaatikkut ornigullunilu saaffiginninnermi.

Akileraartarnermut Aqutsisoqarfik innuttaasunut suliffeqarfiutilinnut atuisunullu allanut sullissilluarnissaq pillugu makkuninnga naleraqarpoq:

Attavigiuminartuuneq
Sulianut pimoorussineq
Sullerissuseq
Ajukkunnanngissuseq
Ataqpeqatigiinneq

7. Ukiumut nalunaarut

Akileraartarnermut Aqutsisoqarfik ukiut tamaasa ukiumut nalunaarummik, Akileraartarnermut Aqutsisoqarfiup susassaqarfiinut tunngasunik saqqummersitsisarpoq. Ukiumut nalunaarut aqutsisoqarfiup nittartagaani www.aka.gl –imi takuneqarsinnaavoq.